

على طرف لسانك كثير حكايات  
بتصبح فيها كمان وتبات  
وسكاتك ليه ييزيد ف سكات  
مع إنك بتحب الروايات  
وقصصها بتتمنى وجودي  
بيقولي كفاية بقا وعودي  
أنا سامعة طيفك بينادي  
بيطبطب ع الصبح النادي  
مش قابل ثانية إنك تبعد  
حاسب دقائقه بالثانية  
فبلاها من نبضك يعند  
يا تعيش روجي في أحلامك  
وتفوق قلبك من تاني  
يا تبروز صورتني ف منامك  
وحلمك مايكنشي أناني  
يا تيجي اترجم لي الأسرار

## أنا اتغيرت

براحتك خالص وع الآخر  
إياك تكون في يوم فاكر  
بعادك ليا هياثر ومستنظر  
تزود تاني ف جروحي

يطول بوجي ولا يهملك  
فاكرني من الأساس منظر  
بقول أنسى دي كانت  
طيبة مجنونة بحب كبير  
قدمت روجي أنا هدية  
ملفوفة بحب كبير فيا  
ومكسية بسهر الليل  
مانيش معمية م الحرمان  
أفكر كدة من زمان  
قلبي ليك ستر وأمان ومكنش عليل  
مابقولش خلاص أنا ادمرت ده انا اتغيرت  
خنقت بإيدي ضحك الورد  
وكان حبك ماضيي الوعد  
واستكبر واستخسر يمد الإيد  
سندت بإيدي أنا عودي  
عشان في يوم يستوي يكون أقوى  
وأخذت عهد أنا وروحي  
مفيش ولا قلب هيقرب  
خلاص مني  
إكمن الروح بقت كارهة  
ومش فارقة تكون قريب  
وبعيد عني  
ما أنا اتغيرت